

# Siulequt Inger Thormannimit

Sumiginnaaneq sorpassuartigut pisinnaavoq, uanilu atuakkami tamakku tamaasa tusarfigaagut. Meeqqat qulit, maanna inersimasunngorsimasut, inuunertik pillugu oqaluttuarput. Qanga pisimasut kingumut qiviaryluit oqaluttuaraat, naak tamanna imminnut annernarsinnaagaluqaqisoq. Atuakkiortoq, Lise Andersen, Uummannamilu meeqqat angerlarsimaffianni illersortaat pisortarisimasaallu, Ann Andreasen, oqaluttuan illugiillutik meeqqanuit ataasiakkaanut ikorfartortaapput. Ilaanni uninnissaq pisariaqartarpooq oqaluttuarlu nangeqqinnejartarpooq, ilaanni sivikitsumik ilaannilu sivisuumik uninngareerneremi. Oqaluttuarneq inunnillu ataasiakkaanik isumassuineq pinerminni oqaluttuarmik saliinissamut periarfissiisarput. Pisimasut annernartut uterfigeqqinnissaat oqitsuinnaasanngilaq.

Angajoqqaat atornerluinerat persuttaasarnerallu oqaluttuan qulini uteqqiaffiujuarput, meeqqalli aamma kaattarsimapput qiiasarlutillu. Meeqqat pisariaqarnerinnartigulluunniit isumassorneqarsimannngillat. Oqimaatsunik annaasaqartarsimapput, toqu toqumillu sioorasaarneqarneq inuuneranni ilaaginnarsimallutik. Allanit malugineqarsimannngillat, akuliullutik ikuuisinnaasunit. Sumiginnaanermi atugassarititaasut taamaattuugajupput, Kalaallit Nunaanniippat Danmarkimiikkaluarpalluunniit.

Matuma siuliani atuagassat atuartussat ilaannut annilaarnarsinnaapput, taamaattorli atuagaq neriummik ulikkaarpoq. Oqaluttuanimi tusarpagut meeqqat sumiginngaasimagaluaqalutik inuunermik toqqaasimasut, ataasiakkaarlutillu artorsaateqaralu-aqalutik inuttut ineriartortut. Akiuussinnaassuseq tamanna suminngaanneersoruna? Qanoq ililluni iluatsitsisoqarsinnaasimava?

Meerarpasuit Uummannami meeqqat angerlarsimaffiannut pigaangamik neriuutarussimasarput. Tassanileqqaarneq amer-ianernut oqimaattaqaaq. Ilaquttanit avissaarneq artornartuu-voq, taakku qanoluunniit sumiginnaatigisimagaluaraangata. Kigaatsumilli meeqqat nuannaarlutilu neriuuteqaleriartortarput meeqqanik paaqqinnittarfimmi immikkut illuinnartumi avan-naarsuaniittumi.

Atuartoq ulloq unnuarlu paaqqinnittarfiiit pillugit isorinnittumik isiginnittaaseqarsimappat, matuma atuakkap atuarnerani tamanna allanngoriartuaartinneqassaaq meeqqallu angerlarsi-maffiannik eqqartorneqartumik, taassuma pisortaanik taassu-malu sulisiunik ataqqinninnermik itisuumik inangerneqariarta-aassalluni.

Aallaqqaammut atuartoq Uummannamut pissunneqassaaq, taavalu meeqqat angerlarsimaffiannut tamatumalu kingorna inuunernik oqaluttuanut. Nunarujussuup 57.000-iinnarnik inullip oqaluttuarisaanera pinngortitaalu sakkortuujullutilu pinner-suupput. Lise Andersen Kalaallit Nunaanni sulinermini inuppas-suarnut, meeraanerminni inuusuttuunerminnilu imaannaangnit-sunik inuuneqarsimasunik, atassuteqartarsimavvoq. Tamanna pil-lugu tupigusuutigalugu eqqarsaatigisarsimavaa qanoq illutik aniguisinnaasimanersut. Tupigusunnerullu taassuma kingunera-nik uuminnga atuakkiorpoq. Atuakkiorup atuagaq aqqutigalugu kissaatigaa meeqqat sumiginnagaasut, inersimasunngorsimasut, namminneq oqaasertalikkaminnik inuunertik pillugu oqaluttuar-nissaannut periarfissiinissaq.

Atuakkami Ann Andreasen Jean-Michel Huctinilu arlaleriarlu-tik eqqaaneqartut, meeqqat angerlarsimaffiata katsorsaanermi periusissiai pillugit allaaserinnipput. Tassani eqqartorpaat kul-turip pinngortitalu meeqqanik sullissinerminni qitiulluinnartumik pingaarutaat. Kalaallit *kulturiannik* tulluusimaarutiginninneq kiisalu Kalaallit Nunaata *pinngortitaanik* tupinnaannartumik nu-

annarinninneq meeqqat ataasiakkaat pissusianni ilaassapput. Meeqqat ataasiakkaat kalaaliunerminnik tulluusimaarutiginnisapput. Ann Andreasenip qularinngilluinnarpaa taamatut "pior-saaneq" iluatsissinnaappat meeqqat inuttut artorsaatiminnik qaangiisinnaajumaartut. Taamaattumik piniartoqarpoq meeqqat angerlarsimaffiannut atasunik, sulisunik perorsaanermik katsorsaanermillu sulialinnik suleqateqartunik. Meeqqat pinngortitamiiinneq ilinniartarpaat, qamusiorneq qimmilerinerlu ilanggulligit. Tamakkulerisariaqarput qimussimik angalaarnernut ilaania-runik.

Piorsaanermili aamma ilaavoq nunani allani susoqarneranik ilisimasaqarneq. Silarsuarmi. Tamanna inuunermi isiginniffimmik pilersitsisarpoq. Silarsuarmi angalasarneq perorsaanermi tunngavimmut ilaavoq, atuakkamilumi oqaluttuatigut atuarneqarsinnaavoq angalasarnerit tamakku inunnut ataasiakkaanut qanoq sunniuteqarsimanersut. Angalanerminni meeqqat nipilerrsuutitik nassartarpaat. Minnerpaamik nipilersuut ataaseq ilinniartaramikku. Nipilersullammaat nipilersornermillu ilinniartitsisut ullut tamaasa meeqqanik nipilersoqateqartarput, angalanerminnilu meeqqat namminneq inunniik allanik tusarnaartitsisarput. Meeqqat *sunniivigeqatigiinneq* oqaatsip isumarpiaanik ilinniartarpaat. Meeqqat ataasiakkaat imminnut tativisunngortarput, taamalu aamma pisinnaasatik atorlugit inoqatinik nuannaartitsisinnaaneq misigisarlugu. Imminut nalilittut misigineq, tulluusimaarneq nuannaarnerlu anguniagaapput, tamatumaniilu sakknut pingaarutilinnut ilaapput qimusserneq, nipilersorneq angalaarnerlu.

Oqaluttuan paasivarput meeqqat arlallit inersimasunngoreer-lutik aatsaat meeqqat angerlarsimaffiat qimattaraat. Ilaqarput meeqqat angerlarsimaffiannik qimatsivissunngisaannartunik. Inuttut pissuserisap qiterisaatigut sumiginnagaasimagaanni, atassuteqarfillu pigiligaq pingarnerusoq meeqqat angerlarsimaf-

fianniippat, taava pingaaruteqarpoq toqqissisimanermik peqarfingisap taassuma iperarnaveersaarnissaa, inuunerup unammiller-nartuisalu artukkiineranni isumalluutissatut. Meeqqat angerlarsimaffiannik attaveqarneq inuppassuarnut tassaasarpooq illersorneqarneq pinngitsoorneqarsinnaanngitsoq, ilaqtariinni, atuarnermi, ilinniarnermi asanninnerullu erloqinartorsiortitsinerani oqimaatsorsiorneq ingasappallaaleraangat. Tamanna taaneqartarpoq malinnaaviginninneq, meeqqallu angerlarsimaffiannit pingartinneqaqaluni. Inunnik sullisisut pisortatullu sulisut amerlaqaat sumiginnaanerup nalinginnaasumik kingunerisartagai pillugit sukumiisumik paassisutissanik tuniorneqartariaqartartut paasisinnaaniassammassuk inuit ataasiakkaat unammiller-nartunik nalaassigaangamik ikorfartorneqartuarnissaat qanoq pingartiginersoq.

Ann Andreasen inoqamminik ikiuerusussuseqarpoq paaserusukkamiuk "nammineq" meeraatini qanoq misigisaqarsimanersut aammalu taamatut misigisaat inunnut taakkununnga qanoq sunniuteqarsimanersut. Tamannattaaq tarnit nakorsaata franskiusup soqutigisarisimavaa. Inuup taassuma angajoqqaani tallimanik ukioqarluni annaasimavai, Auschwitzimi koncentrationslejrimut aallarunneqarmata. Pingaartillugu erseqqissarpaa inuit ataasiakkaat inuunermut uternissaminnut periarfissaqartitaanisaat. Tassalu inuunermut allaasumut.

Boris Cyrulnikip atuakkiamini *De grimme ællinger* aallarniuti-gaa qeerlutuuaraq pinniitsoq pillugu oqaluttuaq. Oqaluttualiami nalungilarput qeerlutuuaraq sumiginnagaanerminit atugarliortoq: Nikassarneqarpoq, innarligaalluni qimanneqarlunilu. Oqaluttuarli nuannersumik naavoq, qeerlutuuaraq ineriertormat ajungitsumillu inuuneqalerluni, taamaattorli meerannguullunili nak-karsarneqartarnini *puigungisaannassallugu*.

Cyrulnikip uparuagaa tassaavoq ajornartorsiut "naalliuutsitsineq" unikkaluaraangat anigorneqartanngitsoq. Ilaqutarisat an-

naasimagaanni meeqqat angerlarsimaffianni isumassorneqarneq aallarniutaannaavoq apeqqummut uunga: Taavami qanoq iliuu-seqarfigissavara tamanna?

Naammanngilaq suna tamarmi ajorunnaarniassammatt quer-lutuuqqap qussunni ilaqtariinni ilaalersinnissaa. Oqaluttuarisaanermini ikiligaanikuvoq, tamanna eqqaamasaani peersin-naanngilaq. Queerlutuuaraq tarnimigut marloriaammik ikiligaasi-mavoq; marloriarluni uppisitaasimavoq. Isatsinnera siulleq, piviusumik pisoq (qeerlutuusivimmi qinngasaarneqarnera), annernartumik ikiliivoq imaluunniit annaasaqartutut misigititsilluni. Aappassaanik isatsittutut misigisarpoq takorluuinermigut eqqarsaammigullu pisoq siulleq taanna uterfigigaangamiuk taamalu kanngusutsitaasutut qimagaasutullu misigisimasarluni.

Taanna Boris Cyrulnikip isatsinnertut siullertut taasaanik katarsarneqassappat piffissami sivisuumi saliinertut pissusilimmik ingerlatsoqassaaq, aappassaanilli isatsinnerup annernartua nipaallisarniaraanni pisumik isiginnittaaseq tamarmi allanngortineqartariaqarpoq – tassa inuup qanoq pineqarsimanerminik isiginninnera. Tassalu inuup ajutoorsimanini tamatumalu qanoq ingerlasimanera pillugu takorluuinini allanngortissinnaasariaqarpaa. Cyrulnik allappoq: "Ikeq ilumoortoq salinneqartariaqarpoq, aammalu tamanna pillugu takorluukkamik allanngortitsilluinnartoqartariaqarpoq."<sup>1</sup>

Taamaattumik isumassorneqarnissamik neqeroorutit inuup inuunerani ungasisoq tikillugu attanneqartariaqarput. Taamatullu aamma pingaaruteqarpoq "meeqqat" qulit, atuakkami uani oqaluttuartut, taamaaliornissaminut periarfissinneqarsimamata. Anniaatiminni takuneqarlutillu parsiarneqarsimapput. Tamannalu neriuuteqalersitsivoq.

*Inger Thormann  
Psykolog*

# Atuakkiortup siulequtaa

Arlaleriarlunga piffissami killilimmi Kalaallit Nunaanni sulisarpu-  
nga. Kingullermik Kalaallit Nunaanniippunga pisortat suliniu-  
taanni nutaami suleqataallunga, peqqissaasut arnanik naartuu-  
nik assigiinngitsunik ajornartorsiutilinnik pulaartarlutik suleqate-  
qarneranni. Ajornartorsiutit aningaasaqarnermut, isumaginnin-  
nikkut inuttullu nukissanut aammalu imigassamik hashimilluun-  
niit ajornartorsiorneq pissutigalugu atugarliornermut tunnga-  
suupput. Aammalu tarnikkut kinguaassiuutitigullu innarligaaner-  
mut tunngasuullutik.

Arnat naartuu inuunerminnik oqaluttuukkaagannga, uannut  
paasiuminaassinjaavoq qanoq ilillutik maannakkut inuunermin-  
nut killissinjaasimanersut.

Imminut aperisarpunga kalaallit akornanni nukissaqartoqar-  
nersoq immikkut ittumik?

Meeqyat angerlarsimaffiat Uummannaq Kalaallit Nunaanni  
meeqyanik sumiginnagaasimasunik inissiiviusinnaasut ilagaat.  
Meeqyat angerlarsimaffiata tapersersuineratigut tassani najuga-  
qarnikuusimasut attavigaakka meeraanerat perioriartornerallu  
pillugit apersorumallugit. Inuillu qulit 23-it 43-llu akornanni uki-  
ullit inuunertik pillugu oqaluttuarumapput, nalunngereerlugu  
atuakkami uani taakku saqqummerumaartut.\* Angajoqqaaminni  
ilaquattaminnilu allani perioriartornertik, qanoq ilillutik meeqyat  
angerlarsimaffiannut pisimanertik, tamatumalu namminneq ul-  
lumikkut inuunerminnut qanoq sunniuteqarsimanera pillugu

\* *Oqaluttuat tamarmik ilisarnarunaarsagaapput, inuit taakkulu  
ilaquataat illorsorianluginit.*



isummaminnik oqaluttuarput. Qanga pisimasut meeraanermin-nilu ajornartorsiutit ammasumik sapiissuseqarlutillu oqaluttua-raat. Tamanna imaannaangitsuuvoq. Annernarpormi sumigin-nagaanerit aqquaarsimasat erloqissutillu nalaattarsimasat, soorlu kaattarneq, atornerlugaaneq, persuttaanneq aamma/ imaluunniit pinngitsuisinnaannginneq pillugit oqaluttuarnissaq. Apersuininni maluginiakkama ilagaat, ilaat qanoq nikipitsigisumik oqaluttuarnersut, ilaat unittariaqartarlutik marlussuillu nia-qorlulerlutik qasulerlutilu. Oqaluttuarisimasaat allareerakkit ataasiakkaarlugit atuffappakka, akueriniassammatigit. Ilaat ataa-seq qissaserpoq nammineq oqaluttuani tusaramiuk.

Inunnik taakkuninnga naapitsinera, inuunerminni atukkamin-nik oqaluttuarnerat maannalu atuakkap massuma inunnut allan-ut siammarnera sunnerneqaatigeqaara.

Qamannga pisumik tamaasa qutsavigaakka tatigalunga perori-artornerlik pillugu oqaluttuummanng – qujavunga piffissamik atuiffigimmanng, naak oqaluttuat misigititsinerat naalliu-nnarlu-nilu annernaraluaqisoq.

Ilaasa oqaatigaat inoqatiminniit allaanerusutut misigismallutik, peroriartornermilu taamatut misigisimaneq oqitsuinnaasanngilaq. Taamaattumik neriuutigaara inersimasut taakku atuakkami uani saqqummernerat allanut taakkutulli misigisimasunut ilua-quatasinnaassasoq. Meeraanerminni sumiginnagaanertik pillugu ammasumik oqaluttuarnermikkut immaqa allat ikiortissarsior-nissaannut kajumilersissinnaavaat, nammatillu allaasut pillugit oqaluttuarnissaannut sapiissuseqalersillugit.

Tamatuttaaq neriuutigaara atuagaq meeqqat sumiginnagaasut qanoq atugaqartarnersut pillugu paasinninnerunissamut iluaquatajumaartoq, aammalu takutillugu qanoq ingerlaqqittooqar-sinnaatiginersoq naak meeraanermi naalliu-nartunik atugaqarsi-magaluarluni. Ullumikkut inuunerisaminni killiffiannut peqqutaa-

qataanerpaavoq inunnik imminnik asannittunik upperinnittunillu naapitaqarsimanerat. Taakku ilaat tassaapput inersimasut meeqqat angerlarsimaffianni najugaqarfingisaanni sulisut. Tassani perorsaanermi tunngavik meeqqanut inuttut ilusiliisoq atorlugu perioriartorsimapput – minnerunngitsumillu imminnut naleqartinnerannut qaffasaataasimalluni. Perorsaanermi periutsit meeqqat angerlarsimaffianni Uummannami allanilumi atorneqartut meeqqat sumiginnagaasimasut ingerlaqqinnissaannut sakkuupput pingaarutillit.

Kalaallit Nunaanni meeqqat amerlanersaat asannittunik isumas-suilluartunillu angajoqqaaqarput. Ilaqtareeqarporli angajoq-qaat naammattumik isumassuinissaminntu nukissaqarfinginngisaannik. Meeqqap kialuunniit angajoqqaarsiani imaluunniit meeqqat angerlarsimaffianni peroriartornissani kissaatigisangila, ilaannili tamanna pinngitsoorneq ajornartarpoq. Aamma qujanartumik angajoqqaarsiaqarlunilu meeqqat angerlarsimaffe-qarpoq pitsaasunik, meeqqat nuannersunik misigisaqartarnermikkut toqqisisimasunillu avatangiiseqarnermikkut inuunerminni ingerlariaqqinnissamut ikiorneqartarfiinik. Taamaattuuvorlu aamma Meeqqat angerlarsimaffiat Uummannaq.

*Lise Andersen*